



# Халқ сўзи

Ўзбекистон —  
келажаги  
буюк  
давлат

2026 йил — МАҲАЛЛАНИ РИВОЖЛАНТИРИШ ВА ЖАМИЯТНИ ЮКСАЛТИРИШ ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2026 йил 12 февраль, № 29 (9200)

Пайшанба Сайтимизга ўтиш учун QR-кодни телефонингиз орқали сканер қилинг.



## ИНВЕСТИТОРЛАР УЧУН ЭНГ ЖОЗИБАДОР ҲУДУД

Махсус иқтисодий зоналар фаолиятида янги давр бошланмоқда

Инвестициясиз тараққиёт ҳам, янгиланиш ҳам бўлмайди. Бу — иқтисодийнинг исбот талаб қилмайдиган азалий қонунияти. Шу боис жаҳонда сармоялар оқимини ўзи томон буриш йўлида зимдан кураш кетади. Сўнгги маълумотларга қараганда, бу кураш майдонида АҚШ, Сингапур ва Хитойнинг қўли баланд келмоқда. Аксарият таниқли ва йирик инвесторлар сармояларини ушбу мамлакатлардаги истиқболли соҳалар — ахборот технологиялари, суъий интеллект, “яшил” энергетика, рақамли иқтисодиёт лойиҳаларига тикишни маъқул кўрмоқда.



Таҳлил



Шундай бўлса-да, кейинги пайтда сармоялар оқими ўзанлари Жануби-Шарқий Осиё давлатлари томон йўналтирила бошланган. Бу эса жаҳон иқтисодийотидаги катта ўзгариш сифатида баҳоланмоқда.

Шу ўринда савол туғилиши табиий: дунёга очилган, ҳамкорлар учун барча шарт-шароитлар яратиб берилаётган Ўзбекистоннинг инвестициявий салоҳияти қандай?

Америкалик таниқли инвестор, “Rogers Holdings” компанияси асосчиси Жим Рожерснинг фикрича, глобал бозорларда хатарлар кучайиб бораётган ҳозирги шароитда Осиё бозорлари, айниқса, Ўзбекистон истиқболли ҳисобланади. Шу боис у АҚШ ва Россиядаги барча активларини сотиб, инвестицияларини Ўзбекистон фонд бозорига киритди. Шубҳасиз, бу Президент Шавкат Мирзиёев ташаббуси билан амалга оширилаётган ҳуқуқий ва институционал ислохотлар тўғрисида Ўзбекистоннинг инвестициявий жозибадорлиги ортиб бораётганидан далолат беради.

Кўплаб хорижий сармоядорлар мамлакатимизни янги “ўсиш нуқтаси” дея эътироф этмоқда. Буни охириги тўққиз йилда барча иқтисодий тармоқларига 130 миллиард долларлик хорижий инвестиция киритилгани ҳам тасдиқлайди.

Давлатимиз раҳбари Олий Мажлис ва Ўзбекистон халқига йўллаган навбатдаги Мурожаатномасида 2025 йилда чет эллик ҳамкорлар билан яна 140 млрд долларлик янги инвестициявий келишувларга эришилгани, 2026 йилнинг ўзига 50 млрд доллар хорижий инвестиция жалб этилишини маълум қилди. Бу борада қўлга киритилаётган ютуқлар ҳақида тўхталар экан, “Юртимиздаги қўлай бизнес муҳити, демографик ўсиш, инсон капиталига берилаётган эътибор — Ўзбекистонни инвесторлар учун энг жозибадор мамлакатлардан бирига айлантирмоқда”, дея алоҳида таъкидлади.



### Мулоҳаза

## ҲИМОЯЛАНГАН АЁЛ — ЖАМИЯТНИНГ ФАОЛ ИШТИРОКЧИСИ

Янги Ўзбекистонда 2030 йилга қадар гендер тенгликка эришиш стратегиясини изчил амалга ошириш мақсадида кенг қўлмали ишлар олиб борилмоқда. Бу — инсон ҳуқуқ ва эркинликларини таъминлаш, айниқса, хотин-қизларни тазйиқ ва зўравонликдан ҳимоя қилиш, уларнинг ижтимоий-сиёсий фаоллигини ошириш ҳамда боланинг энг устун манфаатларини қафолатлаш давлат сиёсатида устувор йўналиш сифатида белгиланганининг намоёнидир.

Хусусан, хотин-қизларнинг ҳуқуқ ва манфаатлари ҳимоясига қаратилган қонунчилик базаси халқаро стандартлар асосида такомиллаштирилди. Жумладан, “Хотин-қизлар ва эркеклар учун тенг ҳуқуқ ҳамда имкониятлар қафолатлари тўғрисида”, “Хотин-қизларни тазйиқ ва зўравонликдан ҳимоя қилиш тўғрисида”ги қонунларнинг амалиётга киритилиши гендер сиёсатида ҳуқуқий бурилиш нуқтаси бўлди. Бундан ташқари, уларнинг ижтимоий-иқтисодий шароитларини яхшилашга қаратилган 20 дан ортқ меъёрий-ҳуқуқий ҳужжатларда ҳам хотин-қизлар ва болалар ҳуқуқлари, эркинликлари ҳамда қонуний манфаатларини ишончли ҳимоялаш тизимини янада такомиллаштириш масалаларига кенг ўрин берилган.

“Ўзбекистон — 2030” стратегияси янги тахирининг 25-мақсади аёлларни қўллаб-қувватлаш тизимини кучайтириш, уларнинг ҳуқуқ ва қонуний манфаатларини таъминлаш, ижтимоий, иқтисодий, сиёсий фаоллигини ошириш ва гендер тенглик масаласига бағишланган. Шу мақсадда маҳаллаларда хотин-қизлар бандлигини таъминлаш ва саломатлигини мустаҳкамлаш марказларини ташкил этиш (3 840 та), “аёллар дафтари” тизими орқали камбағалликдан чиқарилган хотин-қизлар сонини 70 фоизга етказиш назарда тутилган.

Шунингдек, Олий Мажлис Сенати томонидан 2030 йилга қадар Ўзбекистон Республикасида гендер тенгликка эришиш стратегияси қабул қилинди. Мазкур дастурда айни масалада қонунчилик асослари ва институционал тизимни такомиллаштириш, сайлов ҳуқуқларини амалга ошириш, давлат хизмати соҳасида хотин-қизлар ва эркеклар учун тенг ҳуқуқ ҳамда имкониятларни таъминлаш масаласига алоҳида эътибор қаратилган.



## ХАЛҚ САЛОМАТЛИГИ ВА МИЛЛИЙ МАНФААТЛАР УЙҒУНЛИГИ

Президентимизнинг Покистон Ислам Республикасига амалга оширган давлат ташрифи ташқи сиёсатимизда муҳим ва узқ муддатли аҳамиятга эга воқеаларни баҳоланмоқда.

### Муносабат

Бинобарин, ташриф доирасида икки давлат раҳбарлари ўртасида бўлиб ўтган музокара-лар стратегик шерикликни сифат жиҳатдан янги босқичга кўтарди. Муносабатлар фақат сиёсий мулоқот билан чекланиб қолмасдан, иқтисодий интеграция, саноат кооперацияси ва логистика занжирларини шакллантириш масалаларига қаратилгани билан эътиборга молик.

Қайд этиш жоизки, эришилган келишувлар Ўзбекистон — Покистон савдо айланмасини бир неча баробар оширишни мақсад қилган. Гап фақат рақамлар ҳақида эмас. Асосий эътибор товар таркибини диверсификациялаш, қўшилган қийматга эга маҳсулотлар экспортини кенгайтириш, қўшма ишлаб чиқариш корхоналарини ташкил этиш масалаларига қаратилганидир.

Айниқса, тўқимачилик ва енгил саноат, фармацевтика, қишлоқ хўжалиги маҳсулотларини қайта ишлаш, қурилиш материаллари ишлаб чиқариш каби соҳаларда кенг имкониятлар очилмоқда. Бундай ёндашув ташқи савдонини фақат хомаш ё экспортга боғлаб қўймасдан, миллий иқтисодийни чуқур таркибий қайта қуришга хизмат қилади.

Ташриф доирасида имзоланган фармацевтика маҳсулотлари назорати бўйича ҳамкорлик тўғрисидаги битим Ўзбекистон учун алоҳида стратегик аҳамиятга эга. Ушбу ҳужжат фақат соҳавий техник келишув эмас, балки аҳоли саломатлигини ҳимоялаш, миллий фармацевтика саноатининг рақобатбардошлигини ошириш ва экспорт салоҳиятини кенгайтиришга хизмат қилувчи муҳим қадамдир.



### Учрашув

## СИЁСИЙ МУЛОҚОТЛАР ФАОЛЛАШАЁТГАНИ ЭЪТИРОФ ЭТИЛДИ

Олий Мажлис Сенати Раиси Танзила Норбоева Тожикистон Республикасининг мамлакатимиздаги Фавқуллода ва мухтор элчиси Исмаилулло Насриддин билан учрашув ўтказди.

Учрашувда кейинги йилларда икки давлат ўртасидаги муносабатлар мутлақо янги босқичга кўтарилгани, сиёсий мулоқотлар фаоллашиб, савдо-иқтисодий, инвестициявий ва маданий-гуманитар алоқалар изчил кенгайиб бораётгани қайд этилди.

Сўхбат довомида парламентларо муносабатларни ривожлантириш масаласига алоҳида эътибор қаратилди. Қонун ижодкорлиги соҳасида тажриба алмашиш, қўшма ташаббусларни ил-

гари суриш ва халқаро парламент майдонида мулоқотни давом эттириш муҳим экани таъкидланди.

Бу борада ҳудудларо муносабатларни янада фаоллаштириш ва парламентлар юқори палаталарининг ҳамкорлиги бўйича комиссияларнинг амалий дастурларида ҳам маҳалли мустаҳкамлаш лозимлиги қайд этилди.

Олий Мажлис Сенати Ахборот хизмати.

### Тадбир

## ГЕНДЕР ТЕНГЛИК — ТАРАҚҚИЁТ КАФОЛАТИ

11 февраль — Илм-фан соҳасидаги хотин-қизлар халқаро куни муносабати билан Тошкент давлат шарқшунослик университетиде “Гендер тенглик маданиятини ривожлантириш: оилавий кадрлар, таълим сиёсати ва ижтимоий онг трансформацияси” мавзусида халқаро конференция бўлиб ўтди.

Унда Олий Мажлис Сенати аъзолари, Хотин-қизларнинг жамиятдаги ролини ошириш, гендер тенглик ва оила масалалари бўйича республика комиссияси, БМТнинг Ўзбекистондаги ваколатхонаси, халқаро ва миллий ташкилотлар, вазирилик ва идоралар, илмий-тадқиқот муассасалари вакиллари, олимлар ҳамда мутахассислар қатнашди.

Тадбирни ўтказишдан мақсад гендер тенгликни таъминлашнинг ҳуқуқий, таълимий ва ижтимоий асосларини илмий жиҳатдан таҳлил қилиш, оила институтининг ўрнини мустаҳкамлаш, таълим тизимида замонавий ҳамда инклюзив ёндашувларни кенгайтириш, шунингдек, жамият онгиде ижобий трансформация жараёнларини қўллаб-қувватлашдан иборат экани қайд этилди.

Сенатнинг Ёшлар, хотин-қизлар,

маданият ва спорт масалалари қўмитаси раиси Орзулгул Қозихонова ҳамда қўмита аъзоси Малика Қодирхонова гендер тенгликни таъминлаш, хотин-қизларнинг илм-фан, таълим ва жамият ҳаётидаги фаоллигини ошириш, уларни қўллаб-қувватлашга қаратилган ислохотлар мазмун-моҳиятига тўхталиб ўтди.

Муҳокамада мамлакатимизда хотин-қизлар учун яратилаётган имкониятлар, илмий ва инновацион фаолиятни рағбатлантириш чоралари, таълим тизимида тенг имкониятлар муҳитини шакллантириш масалаларига алоҳида эътибор қаратилди.

Тадбир якутини бўйича гендер тенглик маданиятини ривожлантиришга қаратилган илмий-амалий тақлифлар ишлаб чиқилди.

«Халқ сўзи».

### Олий Мажлис Қонунчилик палатасида

## ОМБУДСМАН МАЪРУЗАСИ КЎРИБ ЧИҚИЛДИ

Қонунчилик палатасининг навбатдаги мажлисида депутатлар Олий Мажлисининг Инсон ҳуқуқлари бўйича вакили (омбудсман)нинг 2025 йилдаги фаолияти тўғрисидаги маърузасини кўриб чиқди.

Таъкидланганидек, сўнгги йилларда мамлакатимизда Президентимиз раҳбарлигида инсон ҳуқуқлари ҳимояси йўналишида тарихий ислохотлар амалга оширилмоқда. Инсон қадрини юксалтириш, фуқароларнинг ҳуқуқ ва эркинликларини ишончли ҳимоя қилишнинг самарали тизими яратилди. Ўзбекистон бу борадаги халқаро талаб ва мажбуриятларни тўлақонли бажариб келмоқда ва бу нуфузли халқаро ташкилотлар томонидан кенг эътироф этилмоқда.

Президентимиз ташаббуси билан Инсон ҳуқуқлари бўйича вакил (омбудсман) институти фаолияти ҳам тубдан ислоҳ қилинди. Унинг ваколатлари кенгайтирилиб, ҳудудлардаги

фаолияти кучайтирилди. Жумладан, давлатимиз раҳбарининг 2021 йил 10 сентябрдаги фармонида асосан Омбудсман институтининг инсон ҳуқуқлари ва эркинликлари ҳимояси бўйича мустақил миллий институт сифатидаги аҳамияти янада оширилди.

Ушбу ҳужжат билан Омбудсманнинг ҳудудларда доимий асосда ишловчи минтақавий вакиллари фаолияти йўлга қўйилди. Бугунги кунда минтақавий вакиллар фуқароларнинг муурожаатларини қабул қилиб, муаммоларни тегишли ташкилотлар билан ҳамкорликда бартараф этмоқда.

2024 йил 15 ноябрда имзоланган “Ўзбекистон Республикаси Олий Мажлисининг Инсон

ҳуқуқлари бўйича вакили (омбудсман) тўғрисида”ги Қонун билан Омбудсманнинг ваколатлари кенгайтирилди. Институционал мақоми янада мустаҳкамланди. Ушбу ҳужжатда Омбудсманга ўз вазибаларини монеликсиз ҳамда самарали амалга ошириши учун қўшимча қафолат ва ҳуқуқлар берилди.

Мазкур қонунга асосан Омбудсман қамоққа олинган шахсларни қабул қилиш ва сақлаш учун мўлжалланган махсус муассасаларда, вояга етмаганларга ижтимоий-ҳуқуқий ёрдам кўрсатиш марказларида, вақтинча сақлаш ва тергов ҳибсхоналарида, жазони ижро этиш муассасаларида бўлиб, мониторинг тадбирларини ўтказмоқда.



### Кўз ўнгимиздаги ўзгаришлар

Президентимиз Олий Мажлис ва халқимизга йўллаган Мурожаатномада белгилаб берган 6 та устувор йўналишдан биринчиси маҳалла киёфасини олиб киришга қаратилган.

“Бир товўққа ҳам сув, ҳам дон керак” деганларидай, маҳаллада нима кўп, муаммо кўп. Уларнинг ҳар бирига алоҳида

ечим топиш керак. Хусусан, бир томони тоғларга тутшиб кетган Ургут тумани марказидаги 24 та маҳаллада 100 минг-

га яқин аҳоли истиқомат қилади. Бу баъзи бир шаҳарлар аҳолисидан ҳам кўпроқ. Шу боис бу ерда уй-жой, канализация, ичимлик суви, мактаб, боғча, шифохона, бизнес имфратузилмаси билан боғлиқ кўплаб муаммолар юзага келиши табиий.

Шундан келиб чиқиб, Президентимиз

2025 йил 4 августда “Ургут” эркин иқтисодий зонаси фаолиятини янада ривожлантириш ва самарадорлигини ошириш, янги Ургут марказида барча муаммони бир вақтнинг ўзига ҳал қиладиган тизим яратиш бўйича алоҳида қарорни имзолаган эди.





Ўзбекистон ва Туркия:

СТРАТЕГИК ШЕРИКЛИКНИ МУСТАҲКАМЛАШ ЙЎЛИДА

АТОҚЛИ ДАВЛАТ ВА ЖАМОАТ АРБОБИ КАЛИБЕК КАМАЛОВ



Атоқли давлат ва жамоат арбоби, таниқли меҳнат фахрийси Каллибек Камалов шу йил 11 февраль кунини 100 ёшида вафот этди.

Каллибек Камалов 1926 йил 18 мартда Қорақалпоғистоннинг Тахтақўпир туманида туғилди. Урта мактабни тугатиб, ҳарбий хизматни ўтаб бўлгач, 1955 йилда Нукус давлат университетини тамомлади. Меҳнат фаолиятини Қорақалпоғистон Республикаси ёшлар қўмитаси котиби лавозимидан бошлаб, кейинчалик Вазирлар Кенгаши раисининг ўринбосари, Нукус шаҳар ижроия қўмитаси раиси бўлиб ишлади.

Катта ташкилотчилик қобилиятига эга бўлган К. Камалов Қорақалпоғистон Республикаси коммунал хўжалиги вазири, йўл транспорти ва автомобиль йўллари вазири, Қорақалпоғистон партия қўмитаси котиби лавозимларида самарали фаолият кўрсатди.

Бугун ҳаёти ва фаолиятини ўзи тугилиб вояга етган юрт равнақига бағишлаган моҳир раҳбар 1959 — 1963 йилларда Қорақалпоғистон Республикаси Вазирлар Кенгаши раиси, 1963 — 1984 йилларда Қорақалпоғистон Республикаси партия қўмитасининг биринчи котиби, Республика етакчиси каби масъул вазифаларда жонбозлик кўрсатиб, худудни ижтимоий-иқтисодий ривожлантириш, турли соҳа ва тармоқларда ишни замон талаблари асосида йўлга қўйиш борасида фидокорона меҳнат қилди.

Каллибек Камалов 1984 — 1986 йилларда истеъдодли дипломат сифатида ҳам самарали фаолият кўрсатди.

У кўп йиллик серкирра меҳнат фаолияти давомида бой билим ва тажрибаси, раҳбарлик салоҳияти, юксак инсоний фазилатлари, Ватанимизга

Ш. МИРЗИЁЕВ, Т. НОРБОЕВА, Н. ИСМОИЛОВ, А. АРИПОВ, А. ОРИНБАЕВ, С. ТУРДИЕВ

беқўёс меҳри ва садоқати билан эл-юрт қалбидан чуқур жой олган улуг инсон эди. Унинг бевосита раҳбарлигида Қорақалпоғистон Республикасини ҳар томонлама тараққий эттириш, мавжуд мураккаб иқлим шароитида пахтачилик, галлалчилик, чорвачилик ва бошқа қишлоқ хўжалиги тармоқларини, шунингдек, саноат ва ишлаб чиқаришни раванқ топтириш, аҳолининг турмуш даражасини яхшилаш бўйича салмоқли ишлар амалга оширилди.

Каллибек Камалов сўнгги йилларда Қорақалпоғистон Республикаси нурунийлар жамоатчилик кенгаши раиси сифатида кесалар ва нурунийларни қўллаб-қувватлаш, уларнинг манфаатларини рўёбга чиқариш, жамиятда тинчлик, меҳр-оқибат, бағрикенглик ва ҳамжихатлик муҳитини мустаҳкамлаш, ёшларни Ватанга муҳаббат, миллий ва умуминсоний кадриятларга ҳурмат руҳида тарбиялаш борасидаги ишларда фаол иштирок этиб келди.

Каллибек Камаловнинг давлатимиз ва халқимиз олдидаги улкан хизматлари муносиб тақдирланди. У “Шуҳрат” медали ва “Эл-юрт хурмати” ордени билан мукофотланган эди.

Атоқли давлат ва жамоат арбоби, ёшларнинг меҳрибон устози, самимий ва камтарин инсон Каллибек Камаловнинг хотираси қалбларимизда доимо сақланиб қолади.

Акс садо

Икки томонлама алоқалар ривожига, албатта, юқори даражадаги учрашувлар асосидаги иқтисодий, сиёсий, хавфсизлик ва бошқа муҳим соҳаларни қамраб олувчи қатор келишувлар алоҳида ўрин тутди.

Жорий йилнинг 29 январь кунини мамлакатимиз раҳбари Шавкат Мирзиёев Туркия Республикаси Президентини Режеп Таййип Эрдоғанининг тақлифига биноан расмий ташриф билан ушбу мамлакатда бўлиб, Анкара шаҳрида Ўзбекистон ҳамда Туркия етакчилари олий даражадаги Стратегик ҳамкорлик кенгашининг тўртинчи йилги йиллишида иштирок этди.

Музокараларда сиёсат, савдо-иқтисодиёт, инвестиция, транспорт, энергетика, маданият, гуманитар соҳа ва бошқа устувор йўналишларда амалий ҳамкорликни кенгайтириш билан боғлиқ масалалар атрофида кўриб чиқилди. Бу эса, ўз навбатида, икки мамлакат ўртасидаги шерикликнинг янги босқичига туртки берди, десак, муболага бўлмайди.

Таъкидлаш жоизки, ташриф давомида икки томонлама ўнга яқин шартномалар, бундан ташқари, кўп қиррали шерикликнинг турли йўналишларини қамраб олувчи ҳужжатлар тўплами имзоланди. Хусусан, соғлиқни сақлаш, таълим ва ҳарбий тиббиёт соҳаларидаги ҳамкорлик тўғрисида, иқтисодий ва молиявий, кончиллик саноатида, халқаро транспорт йўлақларини ривожлантириш бўйича, махсус иқтисодий зоналар, ядро хавфсизлиги, жисман ҳимоя қилиш, кафолатлар ва радиацион муҳофазат йўналишидаги ҳамжихатлик ва ахборот алмашинуви, миграцияга кўмаклашиш ҳамда фуқароларни ўш мамлакатга қайтариш борасидаги ҳамкорлик тўғрисидаги битимлар ана шулар сирасига кириди.

Шунингдек, давлатлар диний соҳадаги алоқаларни мустаҳкамлашга ҳам келишиб олди ва 2026-2027 йилларга мўлжалланган маданий ҳамкорлик режаси қабул қилинди.

Иқтисодий ва савдо алоқалари ривожига

Ўзбекистон ва Туркия ўртасидаги иқтисодий алоқалар йилдан-йилга ривожланиб бормоқда. Узоро савдо ҳажми, шунингдек, Туркиянинг етакчи компаниялари билан қўшма корхона ҳамда лойиҳалар сони ҳам изчил равишда ўсмоқда.


Тахлилларга кўра, икки томонлама савдо алоқалари ҳажми 2017 — 2025 йиллар оралигида деярли икки баравар ошиб, 3 млрд. АҚШ долларига етди. Албатта, бу охириги марра эмас. Гап шундаки, келгуси йилларда товар айирбошлаш ҳажми

“Тахлилларга кўра, икки томонлама савдо алоқалари ҳажми 2017 — 2025 йиллар оралигида деярли икки баравар ошиб, 3 млрд. АҚШ долларига етди. Албатта, бу охириги марра эмас. Гап шундаки, келгуси йилларда товар айирбошлаш ҳажми

мини, жумладан, Имтиёзли савдога доир битимдаги товарлар рўйхатини кенгайтириш орқали 5 млрд. долларга етказиш вазифаси белгилаб олинди.

Алоҳида дастур асосида амалга оширилиши назарда тутилган саноат кооперациясининг янги устувор йўналишлари ҳам ишлаб чиқилган бўлиб, бу эса мазкур йўналишдаги тараққиётни тезлаштириш имконини беради.

Худудларо ҳамкорликнинг улкан салоҳияти мавжуд. Шу маънода, йил охирига қадар мамлакатимизнинг барча вилоятдан делегациялар ҳамкор худудлар билан лойиҳалар портфелини ишлаб чиқиш мақсадида Туркияга ташриф буюриши кўзда тутилган. Қолаверса, йил давомида қишлоқ хўжалиги, боғдорчилик, соғлиқни сақлаш ва тиббий туризм соҳаларида Туркиянинг илгор тажрибасини жорий этиш режалаштирилган.



Бугунги кунда юртимизда кўллаб турк компаниялари фаолият юритади, уларнинг умумий инвестиция ҳажми ҳам чакана эмас. Ўзбекистон Туркияга, асосан, металллар, минераллар, тўқимачилик, пластмасса, каучук ҳамда қишлоқ хўжалиги маҳсулотларини экспорт қилиб келмоқда. Бу маҳсулотлар сони яқин келажакда янада ортиши kutilмоқда. Туркия эса бизнинг мамлакатга машинасозлик, кимё ва тўқимачилик маҳсулотлари, металллар, автомобиль ва бошқа товарларни йўналтиради.

Айтиш кераки, савдо алоқаларида қулайлик яратиш режими доим амалда. Имтиёзли савдо битими эса бу борадаги ишларни ҳам сифат, ҳам қонун, ҳам тартиб асосида амалга оширилишига хизмат

қилаётир. Шу билан бир қаторда, Савдо тўсиқларини камайтиришга қаратилган соддалаштирилган божхона йўлаги ва электрон руҳсатнома, рақамли йўл-транспорт интеграцияси каби ташаббуслар жорий этилган яхши самара бермоқда. Айни пайтда 600 млн. АҚШ доллари миқдоридagi устав капиталга эга Турк инвестиция жағмафаси транспорт, логистика, энергетика соҳаларида кичик ва ўрта корхоналар, шунингдек, чегараларо лойиҳаларни молиялаштиришда фаол иштирок этапти.

Дарвоқе, таълим соҳасидаги ҳамкорликни чуқурлаштириш мақсадида жорий йил баҳорда Бухорода тўртинчи Рectorлар форумини ўтказишга келишиб олинди. Бу ҳам таълимдаги ҳамкорлик алоқаларини янги босқичга олиб чиқишига ишонч беради, албатта.

Ботир УСМОНОВ, Тошкент кимё-технология институти ректори, техника фанлари доктори, профессор.

Халқаро ўртасидаги абадий дўстлик ифодаси

Таъкидлаш жоизки, Туркия ва Марказий Осиё республикалари фаол сейсмик зоналарда жойлашган. Халқимиз 1966 йилдаги Тошкент зилзilasини яхши

ИНВЕСТИТОРЛАР УЧУН ЭНГ ЖОЗИБАДОР ХУДУД

Махсус иқтисодий зоналар фаолиятида янги давр бошланмоқда

Оқилна инвестиция сиёсати

Тахлилларнинг кўрсатишича, ислохотларнинг янги даврида оқилна инвестиция сиёсати юритила бошлангач, Ўзбекистоннинг иқтисодий имижини яхшилаб, унга бўлган ишонч ортди. Айни шу жиҳат инвестициявий салоҳият юксалишида муҳим омил бўлган.

Мамлакатда инвестиция сиёсатининг ўзига хос хусусияти шундаки, юқори технологияларга асосланган янги йўналишларни ўзлаштириш, бозори аниқ, юқори қўшилган қийматли маҳсулотлар ишлаб чиқариш, энергия, сув, ер ва бошқа табиий ресурслардан фойдаланишда самарадорликни оширишга қаратилган лойиҳаларга устувор аҳамият берилмоқда. Натижада жалб қилинаётган маблағлардан унумли фойдаланилиб, улар, асосан, замонавий корхоналар барпо этиш, инфратузилма объектлари бунёд қилиш, ижтимоий соҳа объектлари ҳамда замонавий шаҳар ва мавзёлар қуриш каби аниқ мақсадларга йўналтирилган.

Ўзбекистон Республикаси Инвестициялар, саноат ва савдо вазирлиги маълумотларига қараганда, 2025 йилда Ўзбекистонда ўзлаштирилган хорижий инвестициялар умумий ҳажми 43,1 млрд. АҚШ долларига етиб, аввалги йилдагига нисбатан 24 фоиз ўсishга эришилди. Сармояларнинг салмоқли қисми — 38,2 млрд. долларни тўғридан-тўғри хорижий инвестициялар хиссасига тўғри келди. Шунингдек, халқаро молия институтларидан 4,9 млрд. доллар миқдоридида ресурслар жалб этилди.

Ушбу ўсиш суръати инвесторлар ишончи ортиб, жаҳоннинг нуфузли халқаро брендлари мамлакат бозорига кириб келаётгани, қолаверса, Ўзбекистоннинг асосий стратегик ҳамкорлари — Хитой, Россия, Туркия, Саудия Арабистони ҳамда Бирлашган Араб Амирликлари каби давлатлар билан савдо-сармоявий ҳамда иқтисодий алоқалар тобора мустаҳкамланиб бораётгани билан изоҳланмоқда. Инвестициялар, саноат ва савдо вазири маслаҳатчиси Абдулла Хошимовнинг айтишича, инвестициялар жалб этиш ҳажмида ўсиш суръати кейинги йилларда ҳам сақланиб қолади.

— Янгиланаётган “Ўзбекистон — 2030” стратегиясида инвестициявий жозибадорликни янада ошириш, қимматли қозғолар бозорини жadal ривожлантириш ҳам кўзда тутилган, — дейди у. — Устувор режага кўра, асосий капиталга киритиладиган инвестициялар йиллик ўртача 5 — 7 фоиз ўсиб, хорижий сармоялар ҳажми эса хар йили ўртача

7 фоиз оширилади. Аҳамиятлиси, бу даврда умумий қиймати 150 млрд. долларлик 400 дан зиёд стратегик инвестициявий лойиҳалар амалга оширилиши режалаштирилган.

Муҳим индикатор

Мамлакатларнинг ижтимоий-иқтисодий йўналтирилиши муҳим аҳамиятга эга. Бинобарин, сармоялар оқимининг худудий тақсимланиши иқтисодий сиёсатнинг энг муҳим индикаторларидан бири ҳисобланади. Агар у номуъаносибликка йўл қўйилса, айрим худудлар жadal ривожлангани ҳолда, бошқалари ижтимоий-иқтисодий тараққиётда ортда қолиши оқибатида кескин тафовутлар юзага келади. Масалая ана шу жиҳатдан ёндашадиган бўлса, афсуски, Ўзбекистонда ҳам капитал бошқарувида шундай ҳолат кузатилаётганига гувох бўламиз.

Гап шундаки, мамлакатга кириб кел-

макonda жамланиши капиталнинг маълум худудларда концентрацияланишига олиб келади. Натижада “ўзини ўзи қучайтирувчи тортиш” механизми юзага келади. Ҳақиқатан ҳам, айрим инвесторлар рисклар ва транзакция харажатлари паст бўлган худудни афзал кўргани сари янги лойиҳалар ҳам кўпроқ айнан шу макonda жамланади ва худудий тафовутлар ўсиб бораверади.

Институционал механизм

Ўзбекистон инвестиция оқимларининг нотекис тақсимотидаги мавжуд муаммоларни юмшатишда эркин иқтисодий зоналар ташкил этиш йўлидан бормоқда. Бу яхши, албатта. Сабаби, мазкур ёндашув сармояларни нисбатан кам ривожланган худудларга йўналтириш орқали иқтисодий тафовутларни қисқартириш, ишлаб чиқариш ва саноат салоҳиятини мувозантлаштиришга қаратилган институционал механизм сифатида намoён бўлди. Натижада 2017 йилдан кейинги

си, Сурхондарё ва Самарқанд вилоятлари мисол бўла олади. Гарчи ушбу худудларда эркин иқтисодий зоналар сони нисбатан кўп бўлса-да, инвестицияларни жалб этишдаги улуши паст даражада қолмоқда. Тошкент шаҳри, Тошкент ва Навоий вилоятларида бунинг аксини кўриш мумкин: эркин иқтисодий худудлар сони нисбатан кам, тўғридан-тўғри хорижий инвестициялар улуши анча юқори. Айни шу ҳолат амалиётда тез-тез учрайдиган “эркин иқтисодий зоналар сонининг ортиши автоматик тарзда тўғридан-тўғри хорижий инвестициялар ҳажми ошишига олиб келмайди”, деган парадокснинг аққол тасдиқлайди.

Муаммо нимада, деган ҳақли савол туғилади, албатта. — Худудий-иқтисодий институтлар қўлинига фискал рағбатлантириш воситаси сифатида кенгайтирилади. Лекин инвесторлар учун ҳал қилувчи аҳамият касб этувчи худуднинг инвестицияга тайёрлик даражаси етарли мезонларда мустаҳкамланмайди, — дейди Рухиддин Зайниддин. — Яъни муаммонинг асл илдизи муҳандислик-коммуникация инфратузилмаси, институционал муҳит сифати, транспорт логистикаси, малакали кадрлар, бозор ситими ҳамда ишлаб чиқариш ва таъминот занжирларига интеграция даражасининг пастигига бориб тушади. Ушбу масалалар ечилмасдан туриб, худудларнинг инвестициявий салоҳиятини кўтариш борасидаги сазй-ҳаракатлар қутилган самарани бермайди.

Халқаро ёндашув ва миллий тажриба

Халқаро тадқиқотлар ҳам иқтисодий олимнинг фикрини тасдиқлайди. БМТ Савдо ва ривожланиш бўйича конференцияси томонидан ўтказилган глобал тадқиқотлар шуни кўрсатадики, ҳозирда дунё миқёсида эркин иқтисодий зоналар сони жadal суръатларда ошиб бораётган бўлса-да, аксарият мамлакатларда кўпроқ институционал фаолият кўрсаткичи сифатида намoён бўлмоқда. Тўғридан-тўғри хорижий инвестициялар ҳамда худудлар бўйича тақсимоти каби асосий иқтисодий натижалар эса ўзгармаслиги ёки фақат айрим худудларда жамланиб қолиши кузатиляпти. Ушбу ҳолат рағбатлантириш сиёсатини натижадорликка йўналтирилган ёндашув асосида мустаҳкамлаш зарурлигини кўрсатади.

Хитой тажрибасида 1 доллар миқдоридидаги хорижий сармояни жалб этиш учун худудий инвестиция муҳитини яхшилашга ўртача 4 долларгача давлат ва хусусий ресурслар йўналтирилади. Ушбу маблағ, асосан, инфратузилмани ривож-



лантириш, логистика ва саноат зоналарини глобал қиймат занжирларига улаш, бошқарув институтларини қучайтириш ва инвесторлар учун комплекс хизматлар кўрсатишга сарфланади. Натижада эркин иқтисодий зоналар Хитойда оддий фискал имтиёзлар маҳмуаси эмас, балки юқори самарадорликка эга инвестиция платформалари сифатида фаолият юритмоқда. Шунга ўхшаш ёндашувлар Жанубий Корея, Вьетнам ва Польша тажрибасида ҳам кузатилади. Бу эса тўғридан-тўғри хорижий инвестициялар оқимининг худудлар бўйича нисбатан мувозанатли тақсимланишини таъминлашга имкон беради.

Ўзбекистон шароитида ҳам сармоялар оқими мутаносиблигини таъминлаш учун худудларнинг инвестицияга реал тайёрлигини ошириш, инфратузилма ва лойиҳалар мослигини қучайтириш устувор аҳамият касб этади. Айнан шундай ёндашувгина хорижий инвестицияларни барқарор ва худудлар бўйича мувозанатли жалб этиш имконини беради.

Машхур брендлар маркази

Президентимиз Шавкат Мирзиёев мамлакатимизда эркин иқтисодий зоналар, технопарклар ва кичик саноат зоналари самарадорлигини кўтариш, янгилашни ташкил этиш борасида амалга ошириляётган ишлар қонқарли эмаслигини институционал фаолиятнинг қўлинига таъминлашга қўл урди. Чет эл сармояларини кўпроқ ўзлаштириш учун салоҳиятли инвестор ва тадбиркорларни кенгроқ жалб этиш, мав-

жориларди. Бундан уч йил олдин содир бўлган вайронкор зилзила эса қардош турк халқи учун огир синов бўлди. Бундай умумий сейсмик хавфлар ҳамкорликдаги ишларни янги босқичга олиб чиқишни тақозо этади, албатта. Зеро, ҳамжихатликда, узоро тажриба алмашишда гап кўп.

Ўзбекистон қардош халқ бошига тушган ўша фожиали даврнинг дастлабки кунлариданок Туркияга хар томонлама ёрдам кўрсата бошлади. Қисқа фурсатда ўзбекистонлик қўтқарувчилар ва тиббиёт ходимларининг фалокат содир бўлган худудга етиб бориши, қидирув-қутқарув ишларида фаол иштирок этиши ҳам икки халқ бир-бирини доим қўллаб-қувватлаши ва инсонларварлиқнинг ҳаётий ифодаси сифатида намoён бўлди.

Бугунги кунга қадар мамлакатда 455 мингдан ортиқ уй-жойлар қурилди. Ўзбекистон, ўз навбатида, қисқа муддатларда Ҳатай вилоятининг Арсуз туманида 300 дан зиёд тўлиқ жиҳозланган хонадонлар, жами 24 та кўп қаватли уйдан иборат барча зарур инфратузилмага эга замонавий тураржой мажмуасини барпо этди. Ушбу мажмуа нафақат жабрланган оилалар учун янги бошлана, балки ўзбек ва турк халқлари ўртасидаги абадий дўстликнинг ёрқин намунасирид.

Ташриф давомида Президентлар Истанбулнинг Бекиркёй туманида ўзбек мактаби қурилишини бошлаб берди. Мазкур мактаб Ўзбекистоннинг хориждаги биринчи таълим муассасаси бўлади. Янги ўқув маскани Туркияда яшовчи ўзбек оилаларининг фарзандларига ўз она тилида таълим олиш билан бирга, миллий кадриятлар, маданият ҳамда анъаналарни сақлаб қолиш имконини беради. Бу мактаб икки қардош халқ ўртасидаги ришталар янада мустаҳкам бўлишига хизмат қилиши, ёш авлод учун муҳим таълим ва тарбия марказига айланиши, шубҳасиз.

Дарвоқе, таълим соҳасидаги ҳамкорликни чуқурлаштириш мақсадида жорий йил баҳорда Бухорода тўртинчи Рectorлар форумини ўтказишга келишиб олинди. Бу ҳам таълимдаги ҳамкорлик алоқаларини янги босқичга олиб чиқишига ишонч беради, албатта.

Ботир УСМОНОВ, Тошкент кимё-технология институти ректори, техника фанлари доктори, профессор.

# МАҲАЛЛА РИВОЖЛАНСА, БУТУН МАМЛАКАТ ЮКСАЛАДИ



## Янги тизим жозибаси

Кейинги йилларда мамлакатимизда маҳалла институтини ислоҳ қилиш ва уни самарали тизимга айлантириш бўйича кенг қўламли ишлар амалга оширилди. Янги тизим доирасида кредит, субсидия, компенсация, моддий ёрдам ажратиш каби 100 дан зиёд хизматлар маҳалла даражасига туширилди. Бунинг натижасида камбағаллик, ишсизлик даражаси кескин қисқарди. Иш ўринлари яратиш мақсадида маҳаллаларга банк ва солиқчилар бириктирилди, инфратузилмага ҳам алоҳида маблағ ажратилган бўлди.

Асосий аҳолиси тадбиркор бўлган Ургут туманига келадиган бўлсак, бу ҳудудда маҳаллабўйи ишларнинг ўзига хос тизими яратилган. "Маҳалла еттичилиги" уйма-уй юриб, оилаларнинг муаммосини ўрганади ва уларга шу ернинг ўзида ечим топиш чораларини кўради. Туман, вилоят даражасида ҳал этиладиган масалалар қатъий назоратга олинади ҳамда амалий натижага эришилмагунча кун тартибда туради. Бу тизим аҳоли муносабатлари билан ишлаш ва ҳудудий муаммоларни тезкор бартараф этишда намуна ҳисобланади.

Эндиликда маҳаллани ривожлантириш бўйича комплекс ёндашув тажрибаси дастлаб Ургут туманида қўлланилади. Янги туманда юз минг нафар аҳолига мўлжалланган замонавий экошаҳар барпо этилади.

Бунинг учун ажратилган 544 млрд. сўм маблағ ҳисобига 70 дан ортиқ боғча, мактаб, поликлиника, шунингдек, ички йўллар қурилади. Бўшаган биналар эса бизнес учун хусусий секторга тақдим этилади.

Ана шу инфратузилма таркибиде аҳоли учун барча қулайлик мавжуд бўлади. Кейинчалик шу асосда ҳар бир вилоятда 2-3 тадан туман танлаб олинди, ўша ҳудудлардаги маҳаллаларда барча муаммоларни бир вақтнинг ўзида ҳал қиладиган тизим яратилади. Бундай ёндашув орқали 2030 йилгача барча туманлардаги маҳаллалар Янги Ўзбекистон қиёфасини касб этади. Ургут туманидан бошланган янги тажрибани моҳияти ҳам, жозибаси ҳам ана шунда.

...Ҳозирги кунда туманда юз минг нафар аҳолига мўлжалланган замонавий экошаҳар барпо этиш ишлари бошланди. Янги шаҳарда йўл, сув, канализация, электр, мактаб, боғча, шифохона ва бошқа инфратузилма объектларини қуриш, тадбиркорлик лойиҳалари учун тегишли миқдорда маблағ ажратилган.

— Янги шаҳарча учун туманининг Қуйи Камангарон маҳалласидаги "Янги Ўзбекистон" массивига туташ ҳудуддан 90 гектар қўшимча жой берилди, — дейди Ургут тумани ҳокимининг қурилиш, тўсиқларсиз муҳит яратиш, коммуникациялар, коммунал хўжалик, экология ва кўкаламзорлаштириш масалалари бўйича ўринбосари Соҳиб Худойбердиев. — Биз ушбу тарихий қарор қабул қилинган кундан бошлаб ишга киришдик. Тегишли вазирлик ва идоралар билан биргаликда, хорижий мута-

хассисларни жалб қилган ҳолда ҳудуднинг топографик тасвири олинди, лойиҳа-смета олди ҳужжатлари ва бош режа тайёрланди. Президентимиз таклифига кўра 3 гектар майдонда туманининг 35 та ташкилоти учун ягона маъмурий марказ барпо этилади. Янги шаҳарчи қуришда хориж тажрибаси қўлланилади. Мазкур ҳудуддаги 40 гектарга яқин майдонда эса 58 та кўп қаватли уй, 4 та мактаб, 4 та боғча, поликлиника ва бошқа объектларни ўз ичига олган "Янги Ўзбекистон" массиви бунёд этилмоқда.

## Ўз уйинг — ўлан тўшагинг

Ургут 600 мингдан зиёд аҳоли истиқомат қиладиган ҳудуд ҳисобланади. Бир пайтлар тумандаги энг катта муаммолардан бири ишсизлик бўлган. Лекин шунга қарамадан оила эркаклари рўзгор тебратиш учун белини маҳкам боғлаб, ҳар қандай оғир ишни бўйнига олган. Ургутликлар табиатан ана шундай тадбиркор халқ ва бугун бу ерда бекорчи одамнинг ўзи йўқ. Айни пайтда аҳолининг иқтисодий фаол қатлами 200 минг нафардан ошдики ташкил этади ва уларнинг деярли ҳаммаси фойдали меҳнат билан банд.

Президентимиз Шавкат Мирзиёев 2016 йилда давлат раҳбари сифатида иш бошлаганида туманга ташириб буюриб, Ургутни эркин иқтисодий зонага айлантириш ташаббусини илгари сурган эди. Шу асосда тадбиркорлар учун барча имконият яратилди, имтиёзлар берилди. Бунинг натижаси ўлароқ бугун бу ҳудуд бизнес ва тадбиркорлик марказларидан бирига айланган.

— Президентимизнинг туманга ташириб буюриб, Ургутни эркин иқтисодий зонага айлантириш ташаббусини илгари сурган эди. Шу асосда тадбиркорлар учун барча имконият яратилди, имтиёзлар берилди. "Ургут" эркин иқтисодий зонасида ишлаб чиқариладиган маҳсулотлар таннархи "эҳтиёт қисмлар" — тайёр маҳсулот" занжири асосида 5 фоиздан 15 фоиз-

бориш ҳам шарт эмас. Ургутда ҳам яхшигина даромадли ишлар кўп. Камбағал оилалар камаймоқда. Иш ўрни, доимий даромад манбаи бўлганидан сўнг одамлар рўзгор тебратишга қийналмапти, орзуниятларига етляпти.

— Бир пайтлар менга "Ургутга поезд келади" дейишса, "Тушингн сувга айт" деган бўлардим, — дейди "Нуроний" жамғармаси Ургут тумани бўлими раиси Шерзод Холиқов. — Қарангки, ҳаммамизга



эртакдай, афсонадай туюлган бу ҳақиқат амалга ошди! Қисқа муддатларда 55 километрик масофага темир йўл тармоғи тортилиб, йилига 400 минг нафарга яқин йўловчилар ҳамда 8 млн. тоннадан зиёдроқ юк ташиш имконияти яратилди. Айниқса, Президентимизнинг Ургутга йўл олган дастлабки поездда ташриф буюриши туманимизга кут-барақа олиб келди. Халқимиз хурсанд, кайфияти аъло. Бугун туманда 1,5 мингга яқин катта-кичик корхоналар фаолият кўрсатаяпти. Уларда нафақат ўзимизнинг аҳоли, балки кўшни туманлардан келган кўплаб йигит-қизлар ҳам ишламоқда. Ишончим комилки, яқин икки йилда уларнинг сони яна шунчага кўпаяди. Демак, шунга яраша ишчи кучи ҳам керак бўлган-да!

## Сайёҳлар орзусидаги маскан

2017 йилда ташкил қилинган "Ургут" эркин иқтисодий зонасида шу пайтгача 860 млн. долларлик



гача қамайтирилади. Бу эса миқдор сафининг янада ўсишига олиб келади.

Бу ҳам майли, жамиятимизда бизнес учун яратилган имкониятлар тўғрисида Ургут тадбиркорлар ҳудудига, ҳар бир хонадон тадбиркорлик масканига айланган. Бу ерда қурилиш корхоналарга қўшни туманлардан ишчилар жалб этиляпти. Энди иш излаб чет элга

камбағал оилаларнинг қарийб ярми йил якунига келиб фаровонликка юз тутган. Шу йил якунигача камбағаллик ва ишсизлик даражасини 2 фоиздан пастга тушириш режалаштирилмоқда.

Жорий йилда маҳаллалар инфратузилмасини яхшилаш учун туманга 260 млрд. сўм ажратилган бўлиб, 8 та маҳалла инфратузилмаси учун Ислом тараққиёт банкидан 10 млн. доллар жалб этилади. Тожикистон билан чегарадош

воёга етиб ўйланди, бола-чақали бўлди. 1984 йилда Ургут тамаки заводига ишга кирди. Олдин ишчилардан корхона раҳбарлигигача бўлган йўлни босиб ўтди. Зарарли иш шарафига меҳнат қилгани учун 2018 йилда 55 ёшида пенсияга чиқди.

Фарзандларини ўқитди, тарбиялади. Катта ўғли Рустам 2012 йилда Тошкент давлат иқтисодий университетини битириб, Американинг Бостон университети магистратурасида тахсил олди. Ҳозир ўша ердаги йирик компаниялардан бирида фаолият кўрсатаяпти. Иккинчи фарзанди Достон Германиядаги компаниялардан бирида IT дастурчи бўлиб ишлайди. Улар ўз йўлларини топиб кетишган. Равшан ана шундан хурсанд.

У пенсияга чиқиб ҳам бекор ўтиргани йўқ. 2022 йилгача тадбиркорлик билан шуғулланди. Шу орада ўз сармоясидан 138-умумтаълим мактаби ёнидан оқиб ўтадиган Янгиобод канали устига янги кўприк қуриб берди, маҳалла ахлининг, оқсоқолларнинг дуосини олди.

Маҳалла ахли бир неча бор Равшан Йўлдошевнинг номзодини маҳалла раислигига кўрсатмоқчи бўлди, лекин у розилик бермади. 2022 йилда Ургут тумани раҳбарларидан бири яна Равшан акага кўнгирок қилди.

— Ҳой барака топкур, жуда ўжар одам экансиз. Ҳозир менинг қабуллимда маҳаллангиздан 70 нафар одам ўтирибди, Равшанни маҳалла раислигига қўйсанг ҳам қўясан, қўямасанг ҳам қўясан деб. Раисликка у нафар номзод бор, сиз ҳам йўқ деманг, ўтмасангиз тинчгина бизнесингизни қилиб юраверасиз...

Равшан ака ноилзоҳ кўнди. Қишлоқдошлари юз фоиз унинг номзодига овоз берди. Мана, 2025 йилда у 8500 нафар аҳоли истиқомат қиладиган "Деҳқонобод" МФЙга яна қайтадан беш йилга оқсоқолликка сайланди. Ўтган йиллар мобайнида маҳалла фаоллари билан ҳамжиҳатликда ночор оилаларни камбағалликдан чиқаришда, ёшларни, меҳнатга лаёқатли маҳалла ахлини, хотин-қизларни иш билан таъминлашда яхши натижаларга эришди.

Равшан Йўлдошев тадбиркорликдан олган даромади ҳисобидан машина серкатилов бўлган Амир Темура кўчаси ёнида яроқсиз ҳолга келиб қолган кўприкни қайта таъмирлаттирди. Қишлоқ қабристонини ёнидаги Мангитобод ариғи устига кўприк барпо этишга ҳам бош-қош бўлди. Ўз ҳисобидан маҳаллани ичимлик суви билан таъминлайдиган сув минораси қурдириди, дарахтларни суғориш мақсадида қабристонга сув чиқартирди...

Бундай эзгу ишлар туманининг ҳамма гўшаларида давом этапти.

## Тадбиркор оқсоқол

Равшан Йўлдошев — Ургут туманидаги Деҳқонобод маҳалласининг "туғди-битди" одамларидан бири. Кўп қатори мактабда ўқиди,

Ургутликлар Президентнинг туманга таширини кутлуг қадам сифатида баҳолагани рост гап. Бугун мазкур ҳудуд улкан қурилиш майдонига айланган ва бу хайрли ишга нанки туман, балки вилоят мутасаддилари ҳам ўз ҳиссасини, ўз улушини қўшиш учун бел болаган. Жуда катта бунёдкорлик бошланган ушбу ҳудудда олиб борилаётган эзгу ишлар, шубҳасиз, Президентимиз айтганидай, келажакда Ургут тажрибаси сифатида тарихнинг ёрқин саҳифаларидан ҳамда халқимиз ҳамжиҳатлиги, бирдамлигининг намунаси сифатида юраклардан жой олади.

Нуруллоҳ ОСТОНОВ («Халқ сўзи»).



# ҚУЁШ ЭЛЕКТР СТАНЦИЯСINI РОБОТЛАР БАРПО ЭТМОҚДА

Нурота туманининг Деҳқабанд маҳалласи ҳудудига йирик қуёш электр станцияси лойиҳаси амалга оширилмоқда. Хитойнинг "China Energy Investment Corporation" компанияси томонидан барпо этилаётган ушбу иншоот 300 МВт қувватли қуёш электр станцияси ҳамда 150 МВтли энергия сақлаш тизимини ўз ичига олади.

## «Яшил» энергия

— Яна бир муҳим жиҳати, мазкур станция қурилиш натижасида деҳқабандлик қатор ёшлар муқим иш ўрнига эга бўлади, — дейди меҳнат фахрийси Беркин Қулманов. — Шу сабаб улар ҳозирданқўв ўқув курсларига жалб этилмоқда.

Олти юз гектар ҳудудни эгаллаган станция қурилишида очкичлик ва шаффофликни таъминлаш мақсадида "Очқ эшиклар куни" ҳамда за-

монавий технологик қурилиш назомиши бўлиб ўтди. Унда Навоий вилояти ҳокимлиги масъуллари, нуронийлар ва ёшлар ҳамда хитойлик инвесторлар, муҳандис ва техник мутахассислар қатнашди.

Тақдиротда лойиҳанинг ҳудуд ижтимоий-иқтисодий ривожига қўшадиган ҳиссаси, муқобил энергия манбаларини кенг жорий этишдаги аҳамияти ҳамда экологик барқарор-

ликни таъминлашдаги ўрни ҳақида сўз юритилди. Шунингдек, олиб борилаётган қурилиш-монтаж ишлари, уларнинг самарадорлиги, амалга оширилаётган технологик жараёнлар ҳамда кейинги босқичларда бажарилиши режалаштирилган вазифар юзасидан батафсил ахборот берилди.

Ушбу лойиҳанинг ўзига хос жиҳатларидан яна бири илғор автоматлаштирилган технологиларнинг кенг қўлланилишидир. Хусусан, қуёш панелларини ўрнатишга мўлжалланган роботлаштирилган тизимлар орқали юқори аниқлик, самарадорлик ва хавфсизлик таъминланмоқда.

Темура ЭШБОВ («Халқ сўзи»).

## АКТ янгиликлари

# Халқаро рейтингда Ўзбекистон 9 поғонага юқорилади

Портуланс институти (АҚШ) томонидан ҳар йили эълон қилиб бориладиган "Network Readiness Index"нинг 2025 йилги нобатдаги ҳисобот натижаларига кўра, Ўзбекистон ўз ўрнини 9 поғонага яхшилаб, 72-ўринни эгаллади. Рейтингнинг жаҳон миқёсидаги етакчи мамлакатлари сифатида АҚШ, Финляндия, Сингапур, Дания ҳамда Швеция қайд этилган.

Этиборлиси, кейинги йилларда Ўзбекистоннинг "Network Readiness Index" кўрсаткичлари изчил ўсиб бормоқда. Хусусан, мамлакат 2024 йилда 81-ўринни эгаллаган бўлса, 2025 йилга келиб 72-ўринга кўтарилди. Мазкур натижа юртимизда рақамли трансформация жараёнлари тизимли ва барқарор амалга оширилаётгани, АКТни жорий этиш борасида салмоқли илгирилас кузатилаётганини, рақамли инфратузилманинг ривожланиши, электрон давлат хизматларининг кенгайиши, аҳоли ҳамда бизнесда рақамли кўникмаларнинг яхшиланиши, IT соҳасидаги ислохотлар самараси ортиб бораётганини кўрсатади.



# Телекоммуникациялар хизматларини кўрсатишда нобатдаги қулайликлар

Телекоммуникациялар хизматларини кўрсатиш қоидаларининг янги таҳрири давлат рўйхатидан ўтказилди. Унда телекоммуникациялар хизматларини кўрсатишда фуқароларга қулайликлар яратишга қаратилган қатор янгиликлар белгиланди.

Жумладан, мобиль алоқа абонентлари шахсий ҳисобда маблағ хизмат кўрсатишни давом эттириш учун етарли бўлмаганда мобиль алоқа оператори ва абонент ўртасида тузилган шартномани бекор қилиш (мавжуд бўлмаган рақам холатига ўтказиш) мuddати 2 ойдан 1 йилга узайтирилади.

Абонентлар амалдаги тариф режасини исталган бошқа тариф режаси билан бепул алмаштириши мумкин бўлади (бундан муайян гуруҳ ёки маълум чекланган ҳудуд учун ишлаб чиқилган тариф режаларига ўтиш мустасно). Амалдаги тарифлар шартлари ўзгарганда, абонентлар бу ҳақда камида 15 кун олдин оммавий ахборот воситалари, расмий веб-сайт ёки SMS хабарномалар орқали мажбурий тартибда хабардор қилинади.

Аҳолига қўшимча қулайлик яратиш мақсадида хизмат кўрсатиш пунктига келиш имконияти бўлмаган фуқаролар учун ашаш жойига бориш, олис ва етиш қийин бўлган аҳоли манзилларида сайёр мобиль алоқа хизматларини кўрсатиш йўлга қўйилади.



# «Шаффоф қурилиш» тизимига сунъий интеллект татбиқи


Давлатимиз раҳбари томонидан тасдиқланган стратегия, дастур ва устувор вазифарлардан келиб чиққан ҳолда жорий йилда аҳоли пунктларининг шаҳарсозлик ҳужжатларини ишлаб чиқиш ишларида янгиға ёндашувлар қўлланилади.

Хусусан, 154 та аҳоли манзили учун шаҳарсозлик ҳужжатлари ишлаб чиқиши режалаштирилган бўлиб, бунда "Шаффоф қурилиш" тизими доирасида "Рақамли шаҳарсозлик кенгаши" платформаси ишга туширилади.

Этиборлиси, "Шаффоф қурилиш" тизимиде миждозларни қўллаб-қувватлаш жараёнларига сунъий интеллект технологиялари татбиқ этилади. Ушбу ечим орқали келиб тушаётган муносабатларни автоматик ўқиш, таҳлил қилиш ва тоифалаш, шунингдек, бино ва иншоотларнинг ташқи қўрилишини ўзгаришини келишиши жараёнлари автоматлаштирилади.

Маълумотларга кўра, "Қурилиш ресурслари миллий классификатори" электрон платформаси орқали қурилиш материаллари стандартлар асосида гуруҳланиб, кодланмоқда. Ҳозирга қадар мазкур платформа базасида 206 367 та қурилиш ресурсларига алоҳида кодлар шакллантирилган.

«Халқ сўзи».



## Сурхондарё вилоятида «Яшил макон» умуммиллий лойиҳасининг баҳорги мавсумига старт берилди.

**Халқ сўзи**  
Народное слово

МУАССИСЛАР:  
Ўзбекистон Республикаси  
Олий Мажлиси Қонунчилик палатаси Кенгаши,  
Ўзбекистон Республикаси  
Олий Мажлиси Сенати Кенгаши

**Бош муҳаррир Ўткир РАҲМАТОВ**

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 242. 25 447 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Гезетми ҳақидаги маълумотларни юкляб олиш учун QR-коднинг телефонингиз орқали сканер қилинг.

**ТЕЛЕФОНЛАР:**  
Девонхона 71-259-74-51; котибхона 71-259-74-53; эълонлар 71-259-74-87.

Таҳририятга келган қўлабмақал тақрир қилинмайди ва мутлақиб қайтарибмайди.

Гезетининг етказиб берилиши учун обунани расмийлаштирган ташкилот жавобгар.

Гезет таҳририят компьютер марказида терилди ҳамда оператор А. Исмаилов томонидан саҳифаланди.

Гезетининг полиграфик жиҳатдан сифати чоп этилишига "Шарқ" нашриёт-матбаа акциядорлик компанияси масъул. Босмахона телефони: 71-233-11-07.

• **МАНЗИЛИМИЗ:**  
100066,  
Тошкент шаҳри,  
Ислом Каримов кўчаси, 55-уй.

Набатчи муҳаррир — С. Мамиров.  
Мусахҳиҳ — С. Исломов.

"Шарқ" нашриёт-матбаа акциядорлик компанияси босмахонаси. Корхона манзили: Буюк Туран кўчаси, 41. ЎЗА якуни — 20.28 Топширилди — 23.55 1 2 3 4 5 6